

Na osnovu člana 5. Odluke o uslovima, načinu i kriterijima za finansiranje/sufinansiranje projekata u svrhu održivog povratka („Službene novine Kantona Sarajevo“, br: 2/19) i Budžeta Općine Novi Grad Sarajevo za 2025. godinu, broj:01-02-6572/25 od 01.04.2025. godine – budžetska pozicija: Izdaci za održivi povratak za raseljena lica - ekonomski kod: 614200/GPA02, Služba za boračka pitanja, rad, socijalna pitanja i zdravstvo Općine Novi Grad Sarajevo objavljuje

**JAVNI POZIV**  
**za podnošenje zahtjeva za finansiranje/sufinansiranje**  
**projekata u svrhu održivog povratka u 2025. godini**

**A./Predmet javnog poziva** je prikupljanje zahtjeva pravnih i fizičkih lica za finansiranje/sufinansiranje projekata pomoći u održivom povratku.

**B./Sredstva** za finansiranje/sufinansiranje projekata po ovom javnom pozivu osigurana su u Budžetu Općine Novi Grad Sarajevo za 2025. godinu u iznosu od 150.000,00 KM.

Sredstva za projekte fizičkih lica ne mogu biti veća od 20% tekućeg budžetskog transfera Općine Novi Grad Sarajevo za održivi povratak.

**C./Sredstva** iz Budžeta Općine Novi Grad Sarajevo bit će raspodijeljena za finansiranje/sufinansiranje sljedećih projekata:

1. Popravku putnih saobraćajnica, elektro-mreže i drugih objekata komunalne infrastrukture;
2. Potrebe u oblastima zdravstvene zaštite i obrazovanja;
3. Obnova porušenih ili oštećenih vjerskih objekata i lokalnih grobalja;
4. Rješavanje uslovnosti stambenog prostora i pomoćnih objekata u mjestu povratka;
5. Nabavka stoke i poljoprivrednih mašina;
6. Program zapošljavanja/samozapošljavanja povratnika;
7. Organizovano – sistematsko rješavanje statusnih pitanja povratnika.

Pravo na apliciranje za finansiranje/sufinansiranje projekata koji se odnose na rješavanje pitanja koji su u vezi sa stvaranjem uvjeta za održivi povratak imaju općine, udruženja, crkve i vjerske zajednice koje su registrovane na području Bosne i Hercegovine.

Pravo na apliciranje imaju i pojedinci čiji se projekat odnosi na rješavanje pitanja održivog povratka iz tačka 4., 5., 6. i 7 ovog javnog poziva.

**D./Prilikom razmatranja podnesenih aplikacija i projekata na javni poziv vrednuju se sljedeći kriteriji:**

• **Opći kriteriji koji se odnose na pravna lica:**

1. Da je pravno lice, upisano u odgovarajući registar kod nadležnog organa;
2. Da je tražena pomoć namijenjena rješavanju problema i zadovoljavanju potreba povratničke populacije.

• **Posebni kriteriji koji se odnose na pravna lica:**

1. Broj povratnika na koje će se tražena pomoć direktno ili indirektno odnositi;
2. Učešće aplikanta u finansiranju projekta.

• **Opći kriteriji za dodjelu pomoći koji se odnose na fizička lica:**

1. Da je povratnik u prijeratno mjesto prebivališta na području Federacije BiH ili povratnik iz Federacije BiH u prijeratno mjesto prebivališta na području Republike Srpske i Brčko Distrikta BiH;
2. Da raspolaže imovinom u mjestu povratka na kojoj se tražena pomoć može optimalno iskoristiti.

• **Posebni kriteriji koji se odnose na fizička lica:**

1. Broj i starosna dob članova uže obitelji podnosioca sa kojima živi u zajedničkom domaćinstvu;
2. Da podnosilac je/nije u radnom odnosu;
3. Pripadnost nekoj od posebnih kategorija lica (obitelji šehida i poginulog borca, osobe sa invaliditetom, demobilizirani nezaposleni borac, obitelj nestale osobe, bivši logoraš, civilna žrtva rata i druge socijalne kategorije) sukladno sa važećim zakonima u BiH.

**E/.** Zahtjev na javni poziv treba da sadrži: naziv/ime podnosioca zahtjeva, sjedište/prebivalište podnosioca zahtjeva i sadržaj apliciranog projekta i sljedeću obaveznu dokumentaciju, kako slijedi:

1. zahtjev (*pravna lica i fizička lica*)
2. projekat sa finansijskim pokazateljima (*pravna lica i fizička lica*)
3. uvjerenje o poreskoj registraciji i ID broju (*pravna lica*),
4. rješenje/uvjerenje o registraciji (*pravna lica*),
5. spisak korisnika projekta čija se validnost dokazuje potpisima (*pravna lica*),
6. ovjerena izjava podnosioca aplikacije o učešću u finansiranju projekta
7. prijava prebivališta iz mjesta povratka (*fizička lica*) – **pribavlja Služba**,
8. dokaz o vlasništvu imovine u mjestu povratka (*fizička lica*),
9. kućna lista (*fizička lica*),
10. potvrda o radnom odnosu ili uvjerenje Zavoda za zapošljavanje (*fizička lica*),
11. dokaz o statusu (RVI, šehidska porodica, demobilisani borac, rješenje o invalidnosti i dr.) (*fizička lica*),
12. ugovor s bankom o otvaranju transakcijskog računa (instrukcija za plaćanje) (*pravna lica i fizička lica*),

**(Original ili ovjerene kopije ne mogu biti strajji od šest mjeseci od dana završetka ovog janog poziva)**

**Zahtjev za finansiranje/sufinansiranje projekata u svrhu održivog povratka može se preuzeti u Šalter sali i putem web stranice Općine Novi Grad Sarajevo – padajući meni Aktuelnosti – Javni pozivi.**

**F/.**Rok za podnošenje zahtjeva sa projektom i pratećom dokumentacijom je 60 dana po objavljivanju javnog poziva.

Podnosioci zahtjeva mogu aplicirati samo s jednim projektom u okviru ovog tekućeg budžetskog transfera.

Opis projekta u Zahtjevu za finansiranje/sufinansiranje projekata u svrhu održivog povratka ne podrazumijeva projekat. Ovdje treba samo naznačiti tačan naziv projekta i cijenu koštanja. Sam projekat treba biti izrađen u formi zasebnog dokumenta.

Ako je podnosilac aplikacije u prethodnom periodu dobio sredstva od Općine, a nije dostavio izvještaj o njihovom namjenskom utrošku, njegova aplikacija za dodjelu sredstava na osnovu ovog javnog poziva neće se razmatrati.

Vrednovanje pristiglih projekata vrši Koordinacioni odbor kojeg imenuje Općinski načelnik.

Općinsko vijeće Novi Grad Sarajevo donosi konačnu Odluku o raspodjeli sredstava tekućeg transfera iz budžeta Općine Novi Grad Sarajevo za održivi povratak na prijedlog Koordinacionog odbora.

**G/.**Zahtjev sa pratećom dokumentacijom predaje se na šalteru Općine Novi Grad Sarajevo svakim radnim danom od 8:00 do 17:00 sati ili putem pošte kako slijedi:

Općine Novi Grad Sarajevo

Služba za boračka pitanja, rad, socijalna pitanja i zdravstvo

Bulevar Meše Selimovića 97

71000 Sarajevo

sa naznakom „Održivi povratak 2025“

Dokumenti dostavljeni uz zahtjev na Javni poziv neće se vraćati.

Nepotpune, neblagovremene i zahtjevi sa neovjrenim kopijama neće se uzimati u razmatranje.

Ovaj Javni poziv biće objavljen na web stranici i Oglasnoj ploči Općine i jednom dnevnom printanom mediju u BiH.

U postupku Javnog poziva Općina ne snosi troškove aplikantima.

Dodatne informacije mogu se dobiti u Službi za boračka pitanja, rad, socijalna pitanja i zdravstvo, Općine Novi Grad Sarajevo; kontakt osoba Esad Baždar, kancelarija broj 319/III ili na kontakt telefon: 033 291-255, e-mail: [esad@novigradsarajevo.ba](mailto:esad@novigradsarajevo.ba) .